



SAKSPAPIR

Saksnr	Utval	Type	Dato
58/2018	Kommunestyret	PS	01.10.2018

Sakshandsamar	Arkiv	ArkivsakID
Gjertrud Karevoll		18/169

INNSPEL TIL NASJONAL RAMME FOR VINDKRAFT PÅ LAND

Vedlegg:

201801666-9Nasjonal ramme for vindkraft på land - Lokale og regionale innspill

Rådmannen sitt framlegg til uttale:

Område 17: Bergsdals- og Vaksdalsfjella i Vaksdal kommune har dels registrert område med urørt natur, men har også fleire store overføringslinjer for kraft. Bergsdalsfjella sør er regionalt viktig turområde, med populære DnT-hytter. Bergsdalsfjella (både nord og sør) har reinsdyrstammer, forvalta som tamrein. Bergsdalsfjella har viktig tilkomst med Fv 314, med vegstandard som i dag er svært låg med omsyn på friluftsliv og nærleiken til Bergen, og ein flaskehals for vekst og utvikling. For området Høgafjellet på Osterøy gjer kommunen merksam på område med urørt natur, regionalt viktig turområde og at Veafjorden har eit særskilt kulturmiljø. Osterfjordsystemet er nasjonal laksefjord, og del av nordhordland biosfæreområde. Artsmangfaldet er svært verdifullt, med mellom anna hekkelokalitetar for rovfugl.

Område 18: Innanfor område 18 er øvste del av Eksingedalen, men området for Vaksdal kommune framgår som lav lønnsemd. Dette er inngangsport til Stølsheimen landskapsvernområde, som har høge landskap- og naturkvalitetar med store friluftsinnteresser. I dette området er det ei viktig villreinstamme (Fjellheimen villreinområde). Stølsheimen er også del av nordhordland biosfæreområde.

Nordhordland biosfæreområde er kandidat til å verte eit UNESCO Biosfæreområde – *vestnorsk kystlandskap og menneska som bur her*; <http://www.nordhordlandbiosphere.no/>

Vaksdal kommune si kartlegging og verdisetting av friluftslivområde (2017) er å finna i www.naturbase.no. Dette gjeld også INON-område.

Kommunestyret - Sak 58/2018

KOM - Behandling:

Alternativt framlegg frå Eirik Haga, AP:

Vaksdal kommune har stilt store naturressursar til rådvelde for storsamfunnets behov for energi. Det er i Vaksdal det regionale kraftselskapet BKK produserer mest vasskraft. Det går store kraftliner

gjennom naturperlar i Bergsdalen, Eksingedalen og i Vaksdalsfjella.

Desse områda er viktige for rekreasjon for innbyggjarar i heile Bergensområdet, har eit rikt fugleliv med mange ulike artar, beite for små- og storvilt m.a. hjort og vill- og tamrein.

Det er Vaksdal kommunestyre sitt syn at me ikkje treng landbasert vindkraft.

Alternativt framlegg frå Kjartan Haugsnes, SV:

Kommunestyret i Vaksdal har slikt innspel til NVE sitt brev av 08.06.2018, Nasjonal ramme for vindkraft på land – Innspill om viktige regionale interesser

Av dei 43 analyseområda er dette ei attendemelding i høve område 17 og område 18.

Område 17:

Bergsdals- og Vaksdals fjella i Vaksdal kommune har registrerte områder med urørt natur.

Bergsdalsfjella sør er eit viktig regionalt turområde med populære DNT-hytter. Bergsdalsfjella (både nord og sør) har reinsdyrstammer som vert forvalta som tamrein.

Høgafjellet på Osterøy er i dag eit område med urørt natur og er på lik line med Bergsdalsfjella eit viktig regionalt turområde. Vidare vil kommune gjere merksam på Veafjorden sitt særskilte kulturmiljø.

Osterfjordsystemet er nasjonal laksefjord, og del av Nordhordland biosfæreområde.

Område 18:

Her finn ein mellom anna inngangsport til Stølsheimen landskapsvernområde som har høge natur og landskapskvalitetar. Området omfattar og Fjellheimen villreinområde. Stølsheimen er og ein del av Nordhordland biosfæreområde.

Nordhordland biosfæreområde er kandidat til å eit UNESCO Biosfæreområde – Vestnorsk kystlandskap og menneske som bur her; <http://www.nordhordlandbiosphere.no/>

Vaksdal kommune si kartlegging og verdisetting av friluftsområde (2017) er å finna i www.naturbase.no Dette gjeld også INON (Inngrepsfrie naturområder i Norge)

Kommunestyret i Vaksdal kommune vil tilrå at områdene 17 og 18 vert teke ut av nasjonal ramme og vurdert som ikkje eigna for vindkraftutbygging grunna høge natur, landskap, kulturlandskap og friluftinteresser.

Dei to framlegga vart erstatta med følgjande:

Omforeint forslag frå Eirik Haga, på vegner av AP og SV:

Vaksdal kommune har stilt store naturressursar til rådvelde for storsamfunnets behov for energi. Det er i Vaksdal det regionale kraftselskapet BKK produserer mest vasskraft. Det går store kraftliner gjennom naturperlar i Bergsdalen, Eksingedalen og i Vaksdalsfjella.

Desse områda er viktige for rekreasjon for innbyggjarar i heile Bergensområdet, har eit rikt fugleliv med mange ulike artar, beite for små- og storvilt m.a. hjort og vill- og tamrein.

Det er Vaksdal kommunestyre sitt syn at me ikkje treng landbasert vindkraft

Når det gjeld konkrete innspel til NVE sitt brev av 08.06.18 har kommunestyret i Vaksdal slikt innspel om viktige regionale interesser:

Av dei 43 analyseområda er dette ei attendemelding i høve område 17 og område 18.

Område 17:

Bergsdals- og Vaksdalsfjella i Vaksdal kommune har registrerte områder med urørt natur.

Bergsdalsfjella sør er eit viktig regionalt turområde med populære DNT-hytter. Bergsdalsfjella (både

nord og sør) har reinsdyrstammer som vert forvalta som tamrein. Høgafjellet på Osterøy er i dag eit område med urørt natur og er på lik line med Bergsdalsfjella eit viktig regionalt turområde. Vidare vil kommune gjere merksam på Veafjorden sitt særskilte kulturmiljø.

Osterfjordsystemet er nasjonal laksefjord, og del av Nordhordland biosfæreområde.

Område 18:

Her finn ein mellom anna inngangsport til Stølsheimen landskapsvernområde som har høge natur og landskapskvalitetar. Området omfattar og Fjellheimen villreinområde. Stølsheimen er og ein del av Nordhordland biosfæreområde.

Nordhordland biosfæreområde er kandidat til å eit UNESCO Biosfæreområde – Vestnorsk kystlandskap og menneske som bur her; <http://www.nordhordlandbiosphere.no/> Vaksdal kommune si kartlegging og verdisetting av friluftsområde (2017) er å finna i www.naturbase.no Dette gjeld også INON (Inngrepsfrie naturområder i Norge)

Kommunestyret i Vaksdal kommune vil tilrå at områdene 17 og 18 vert teke ut av nasjonal ramme og vurdert som ikkje eigna for vindkraftutbygging grunna høge natur, landskap, kulturlandskap og friluftsinteresser.

Røysting:

Rådmannen sitt framlegg til vedtak vart sett opp mot det omforeinte framlegget: Det omforeinte framlegget vart vedteke mot 2 røyster (FRP og Anneli Vatle Lilletvedt, H)

KOM - Vedtak:

Vaksdal kommune har stilt store naturressursar til rådvelde for storsamfunnets behov for energi. Det er i Vaksdal det regionale kraftselskapet BKK produserer mest vasskraft. Det går store kraftliner gjennom naturperlar i Bergsdalen, Eksingedalen og i Vaksdalsfjella.

Desse områda er viktige for rekreasjon for innbyggjarar i heile Bergensområdet, har eit rikt fugleliv med mange ulike artar, beite for små- og storvilt m.a. hjort og vill- og tamrein.

Det er Vaksdal kommunestyre sitt syn at me ikkje treng landbasert vindkraft

Når det gjeld konkrete innspel til NVE sitt brev av 08.06.18 har kommunestyret i Vaksdal slikt innspel om viktige regionale interesser:

Av dei 43 analyseområda er dette ei attendemelding i høve område 17 og område 18.

Område 17:

Bergsdals- og Vaksdalsfjella i Vaksdal kommune har registrerte områder med urørt natur. Bergsdalsfjella sør er eit viktig regionalt turområde med populære DNT-hytter. Bergsdalsfjella (både nord og sør) har reinsdyrstammer som vert forvalta som tamrein.

Høgafjellet på Osterøy er i dag eit område med urørt natur og er på lik line med Bergsdalsfjella eit viktig regionalt turområde. Vidare vil kommune gjere merksam på Veafjorden sitt særskilte kulturmiljø.

Osterfjordsystemet er nasjonal laksefjord, og del av Nordhordland biosfæreområde.

Område 18:

Her finn ein mellom anna inngangsport til Stølsheimen landskapsvernområde som har høge natur og landskapskvalitetar. Området omfattar og Fjellheimen villreinområde. Stølsheimen er og ein del av Nordhordland biosfæreområde.

Nordhordland biosfæreområde er kandidat til å eit UNESCO Biosfæreområde – Vestnorsk

kystlandskap og menneska som bur her; <http://www.nordhordlandbiosphere.no/>
Vaksdal kommune si kartlegging og verdisetting av friluftsområde (2017) er å finne i www.naturbase.no Dette gjeld også INON (Inngrepsfrie naturområder i Norge)

Kommunestyret i Vaksdal kommune vil tilrå at områdene 17 og 18 vert teke ut av nasjonal ramme og vurdert som ikkje eigna for vindkraftutbygging grunna høge natur, landskap, kulturlandskap og friluftsinnteresser.

Saksopplysningar:

Olje- og energidepartementet (OED) har gitt NVE i oppdrag å leie arbeidet med å lage eit forslag til ei nasjonal ramme for vindkraft på land. Den nasjonale ramma skal vere samansett av to delar;

- eit oppdatert kunnskapsgrunnlag om verknader av vindkraft
- kart med utpeking av dei mest egna områda for vindkraft

Ramma skal ikkje vere juridisk bindande eller ei form for overordna konsesjonsbehandling, men eit fagleg råd om kor det kan ligge til rette for lønsam vindkraft. Det vil fortsatt vere mogleg å få konsesjon for prosjekt utanfor områda som er utpekt som mest egna, samtidig som prosjekt innfor dei utpekte områda kan få avslag.


For Vaksdal kommune er det no del 2, *kart med utpeking av dei mest egna områda*, som NVE har bede om innspel for viktige regionale interesser.

NVE understrekar at; *Vi påpeker at dette er en innhenting av faglig informasjon, og ikke en generell høring av den nasjonale rammen for vindkraft. OED vil forestå en høring av NVEs forslag til nasjonal ramme etter at dette er levert. Det vil da være muligheter for å gi politiske innspill og generelle synspunkter på den nasjonale rammen.* I denne omgang er NVE open for faglege innspel ut over det som er å finne i offentlege databasar og kartgrunnlag.

Fristen for å gje innspel er no (utsett til) 20. oktober 2018, og sendast til nve@nve.no. NVE har informasjon på nettsidene; <https://www.nve.no/nasjonal-ramme-for-vindkraft-pa-land/>, med løpande oppdatering gjennom prosessen.



Samandrag/konklusjon

NVE har allereie gjort ein silingsprosess, og peika ut 42 områder for vidare utgreiing og siling ned til 10-15 områder. Vaksdal kommune har fjellareal som fell inn under 2 av analyseområda:



Desse områda vert kalla analyseområde 17 (Bergsdalsfjella både nord og sør for Bergsdalen og kring Høgafjellet på Osterøy) og 18 (Stølsheimen). Analyseområda er framkome gjennom modellgenerering, men korrigert ved å trekkje ut vesentlege nasjonale interesseområder med konflikt, som til dømes

nasjonalparker. Då står farga areal igjen:



Deretter er det modellberekna lønnsomheit (framleis på eit overordna nivå), med fargekodar som syner dei mest lønnsome områda er blå:

